

津田文庫
文庫 1
1759
5





隸釋卷第十五

賜豫州刺史馮煥詔

費亭侯曹騰碑陰

廣漢屬國辛通達李仲魯造橋碑

廣漢太守沈子琚縣竹江堰碑

鄭子真舍宅殘碑

金廣延母徐氏紀產碑

都鄉正衛彈碑

舜子蒼義井碑 并陰

方正文庫



隸釋

卷第十五

賜豫州刺史馮煥詔

告豫州刺史馮煥今下常為效用邊將統御下內以

威恩撫喻杜下去丰鮮卑連犯鄆塞下過掩卒搗穀

無距捍下率攝大守以下進退下曾不表罪誅多攤

下麗王宮儁輕狡獪下纖下絕宮不自效楚下化頃

屬樂浪久矣下當所謂設訖不定決下月左右欲來

犯法下北顧傷心下煥有下翼煥能竭心盡慮有下

上如不從化替錄部下惟前後詔書以前人下侍御

史便宜敷上下

元初六年十二月

右賜豫州刺史馮煥詔安帝元初六年也首云告

豫州刺史馮煥者漢詔之式如此帝紀注云漢制

帝之下書有四一曰策書編簡也其制長二尺短

者半之篆書起年月日稱皇帝以命諸侯王三公

以罪免亦賜策而以隸書用尺一木兩行書之二

曰制書其文曰制詔三公皆璽封尚書令印重封

露布州郡三曰詔書其文曰告某官云如故事四

曰誡敕其文曰有詔敕某官此詔云去年鮮卑連

犯鄆塞列傳云元初五年秋代郡鮮卑穿塞入寇
 攻城邑燒官寺殺長吏發緣邊甲卒黎陽營兵備
 之其冬又入上谷六年秋入馬城度遼將軍鄧遵
 率南單于擊破之按馮君乃車騎將軍緄之父緄
 傳云煥為幽州刺史又煥有墓闕題云豫州幽州
 刺史馮使君神道元初季年豫州境內無盜賊事
 上谷代郡皆幽州所部詔有北顧傷心及頃屬樂
 浪之文亦幽州語也詔中諭其竭心盡慮而使之
 便宜數上必是自豫徙幽而賜此詔其石下斷惟

存上八字文意不能詳考煥猶在豫故其前尚稱

故官也

犯即犯字過即過字馮轂即馮擊字孺即慄字獨即獨字緄即殲字屬即屬字

費亭侯曹騰碑陰

惟建和元年七月廿二日己巳

皇太后曰其遣費亭侯之國為漢藩輔臨君境內毋

有出

缺六字

變卒

缺七字

百姓不可不愛不愛則不附大

臣不親百姓不附可不慎

下缺

制曰

缺

中常侍費亭侯曹騰見克

先帝能自奮拔於險阻之中不陷乎羣小害已之譖

遂亦

字五

前後英謀

字二

進賢納

缺

踐胎之初受爵

丐東土厥功章然騰守足退居約身自持遭離母憂

孝行純篤

缺

慎禮紀喪能過哀服祥有不忍遠離之

恩情

缺

感病毀性早薨朕甚閔焉詩曰靡不有初鮮

克有終騰能終之春秋之義旌

缺

采介呂勸為善及

其在殯使薰諫議大

字六

特進贈費亭侯印綬魂而

有靈嘉其寵榮嗚呼哀哉

右費亭侯曹騰碑陰水經云譙縣有曹騰碑題云

漢故中常侍長樂太僕特進費亭侯曹君之碑延

熹三年立碑陰又刊詔策二歐趙不指此為曹騰

碑陰失稽考也本傳云騰自安帝時為黃門從官

後以定策立威宗與州輔等七人皆封侯至大長

秋此碑前一篇建和元年七月己巳就國策書乃

梁太后臨朝時也後一篇乃襄贈制書傳云奉事

四帝而水經有據則其亡在威宗時嗚呼東漢之

亡也以閹官雖小人道長作福作威履霜堅冰勢

之必然者蓋上失其道爾高帝約非有功不侯自

和帝封鄭眾而苴茅裂土者相踵至有同日十九

侯者順帝又聽其養子襲爵騰用事省闈三十餘年其養子嵩至於竊位台輔至孫操遂問鼎矣昨與

昨同篆額今獨存云中常侍長樂大僕特進費亭曹侯碑水經誤多四字

蜀郡屬國辛通達李仲曾造橋碑

惟延熹龍在甲辰三月甲子傷民兼集滑自扶攜五缺

字憂造比花槁缺之缺基改奢就儉莫不安之以五

月甲午竟領道楊缺荷杜仁領道楊瑗缺二叙惠勒

石文不能嘆一以哀賢君其辭曰

缺二錢邦乾川垂極缺二土執缺汜反側位在角精

崖崖山巒水缺汶江漂缺湍濁道缺丘阜棧格陵陵

地則居缺新缺二栢竟缺官缺夷羌虜賊頃丰畔厲

有道則服有缺二隘吏民缺粟赫赫

皇辟矜哀下民命彼喉舌拜我

明君惟君至惠應甫及申缺恩襄貧其知如缺漢缺三

字謀謨若神小閣

明府協同斷金西征鄙國撫育犁元除煩省苛公劉

之仁單甫牧英不忍戰民恤彼缺二戲險登陵槁壞

求正歲歲缺二津缺滿首缺七呵逆沔沈深往往覆

康澤

卷第五

五

沒傷害行人四縣衝衝老弱所湛耿耿寔勞字缺二慇

慇字缺二日稷閔比之艱記吉領道杜沂楊瑗佗范槁

梁帥爾徒毛待事楊字缺三守古荷賊曹掾杜仁至孝

殷懃雖不字缺四出神祇祐助槁遂考缺萌地賴祉子

子孫孫百穀豐穰內外靖安必字缺三我

君高選取公缺侯福深後昆萬壽无疆干祿億年

亂曰字缺二我君明且缺兮徠儀于國字缺三兮吏民河

潤受靈福兮莫不慕化心如結兮字缺十鼎足期不逝

兮

領道字缺八漢嘉楊瑗字字缺二領南部道槁掾軍功卒

史漢嘉杜沂字祖長漢嘉盟掾字缺二荷吏代誦從吏

杜閏荷吏缺省義工王文宰義工字缺二高義工王漢

期義工字缺三義徒漢嘉缺杜缺

時下缺

右蜀都屬國辛李二君造橋碑今在雅州碑首刻

二人冠帶相向而坐一器居中如豆登之狀後有

二人折腰低首雙垂其袖若胡舞者其上橫行有

數字惟府卿明府四字不毀二人之下又橫刻二

十有六字兼篆隸之體曰蜀郡屬國明府潁川陽翟辛君字通遠卿捷為李君字仲曾其下三字不可曉漢碑無如是模式者首行云惟延熹龍在甲辰蓋威宗延熹七年也石損字拙頗難想象其辭初云造此橋末云橋遂考又云橋壞求正又云帥徒屯作橋梁而官屬有領南部道橋掾則知此為造橋碑也其辭云扶携濟舟又云逆流沈深往往覆沒又云四縣衝衝老弱所湛則知此橋跨據川險也其云赫赫皇辟矜哀下民命彼喉舌拜我明

君惟君至德應甫及申者頌辛君也其云西征鄙國撫育犁元除煩省苛公劉之仁者頌李君也中有協同斷金之句則知李為辛之佐也二君遣杜沂楊瑗三四輩董此役起三月甲子以五月甲午竟改奢就儉萌兆賴祉故勒石褒嘆而掾史及義工義徒數人皆題其名于後惟二人稱荷吏而杜仁稱荷賊曹掾所不可解鄰邑雖有荷節或是遣吏助之又不應獨用一字也漢志屬國置都尉一人丞一人又注引應劭云大縣有丞左右尉所謂

命卿三人小縣一丞一尉者命卿二人隸刻有武
 開明碑終於吳郡府丞其子榮碑中書為吳郡府
 卿沈子琚碑有云縣丞捷為王卿諱某字季河据
 史及碑則漢人盖有稱其丞為卿者此碑不顯題
 辛君為都尉而謂之明府則李君稱卿盖是属國
 丞也蜀人謂此為神水閣碑考其文則謀謨若神
 是絕句下文二字其水似小其閣似閣特未能判
 今摘三語而强名之非也

進即達字舟即舟字
 衰即衰字犁即黎字

廣漢太守沈子琚縣竹江堰碑

熹平五年五月辛酉朔一日辛酉縣十縣南川二

宮字黃字化出家錢建下漢世誠明廣被四表南

域墅居蠻夷字戕賊字連字百姓被下三年十月

廣漢大守穎川長墅縣沈君諱字子琚縣十令安

定樊君諱字以四年三月到官視事到官之初移風

字占世土百姓吏民皆有字之字弱不安躬

耕者少溉田企流諸縣滿灘字以陂田下誠道字

施以周邵之化疾犯王憲字意吏民字君遣下君恣

字其本息繕作滿灘化開渠口成而山足字崔下

君遣掾下缺鄭施都求掾儀尹便且缺水曹掾王

史下缺刑世章樂功又破截崖足開缺本缺民五缺

池字缺四甫田干下缺難龍易水由池中通利便好水

未缺田即到下缺縣十缺足字缺四消散五稼豐茂缺

民歸附字缺三辭曰聖帝明明缺蘭缺郡字缺二望下缺

川字缺五欲行之兮字缺四以威德兮輔字缺三夏字缺二後

兮下缺時成缺兮缺甚下缺

縣丞捷為屬國王卿諱缺字季河宣陽字缺五水曹史

杜慈字子仁共章字缺三

右廣漢太守沈子琚縣竹江堰碑今在漢州靈帝

熹平五年立沈君字子琚其名不可辨碑載沈君

以熹平三年十月到郡縣竹令樊君以次年三月

到縣雖石多剝缺文句斷續其間指意猶可推尋

蓋二人相繼到官俱以移風惠民為意碑稱其視

事之初百姓躬耕者少溉田邱荒有遣都水掾水

曹史等姓名有繕作滿灘之句又有陂田及渠口

之字末云水由池中通利便好五稼豐茂人民歸

附所紀蓋水利之事也蜀人謂之縣竹江堰碑姑

因其名云

碑以長墅為長社

鄭子真宅舍殘碑

上字缺 所居宅舍一區直百萬 故鄭子真地中起舍

一區作錢 下缺 故鄭子真舍中起舍一區七萬

故潘盖櫻舍并二區十一 下缺 故呂子近櫻一區

五萬 故像櫻舍一區二萬五千 缺 扶母舍一區

萬二千 字缺二 鳳櫻一區三萬 字缺二 車舍一區萬

字缺二 奉櫻一區二萬 字缺二 子信舍一區萬

熹平四年 缺 月丁酉朔 缺 桃為後 缺 弟 缺 郎中 下缺 賊

曹 下缺 左都字彦和兼掾史 下缺 胡恩真道史胡陽 缺 又

宅 下缺 文 缺 陳景玄雄等實 下缺 千九百八十其二 下缺 百舍

臺祖餘財物及臺為 下缺 妻無適嗣祖傳婢 下缺 宜 下缺 分

精魂未滅而有怨 下缺 未知財事 缺 舉 缺 為領 下缺 姊 缺

右鄭子真宅舍殘碑所存其上十數字餘石碎矣

首云所居宅舍一區直百萬繼云故鄭子真地中

起舍一區七萬凡宅舍十有二區其次有辭語有

歲月云平四年上存四點必熹平也官吏有郎中

及賊曹與掾史又有左都字彦和及胡恩胡陽陳
 景等姓名似是官為檢校之文其中有宅舍奴婢
 財物之句其云妻無適嗣又云未知財事其前有
 為後二字則知旋立嬰孺為嗣也其云精魂未滅
 而有怨上有一字從女當是其母則知其親物故
 未久也未云春秋之義五遜為首所以戒其宗姓
 或女兄弟之類息爭室訟也碑今在蜀中

金廣延母徐氏紀產碑

元和元年五月中回金廣延母自傷紀考紕徐氏元

初產亦壽元年出門託軀金掾季本供下缺不並立

朝為縣端首子男恭缺字子肅年十八下缺收從孫

即廣延立以為後年十八娶婦徐氏弱冠仕下缺終

歿五內催碎又少入金氏門承清淪之後誓業缺四

步也一下缺地耕殖陝少缺脩產業夫婦勤苦積入

成家彊缺三止足不下缺萬季本平生素以奴婢田

地分與季子雖直各有公域缺二三下缺蓄積消滅

責負叅亡缺三立依附宗家得以蘓下缺及歸故主

三分屋一才得廿一萬六百供竟下缺故文進升地

一町直五萬五千家乃墮收責地下缺雖直徑管村

駿勞來以缺國故缺子耐地一町直下缺令能肯不

字缺二又所將缺及所缺如後可服事勤下缺子孫以

其不祭祀習之不缺拘持入門勤苦五十下缺二萬

四千其婦共衣食去苗之後悉以歸雖直大婦下缺

廿八萬小婦慈仁供養周厚奉順缺媛不離左右自

下缺曰缺戀衛夫人之去婦之字缺二孤無所歸輒為姪

下缺之切下缺不下缺右金廣延母徐氏紀產碑今在雲安其辭云光和

元年五月中旬金廣延母自傷紀考妣徐氏元初

產永壽元年出門託軀金掾季本自此之後其石

半滅所存者其下段爾徐氏歸于季本有男曰恭

字子肅早終故立從孫廣延為後廣延弱冠而仕

又復不祿碑云廣延年十八娶婦徐氏子肅亦有

年十八字而闕其下文當亦是載其昏聘子肅殘

碑亦有妻字可證徐氏自言少入金氏門夫婦勤

苦積入成家又云季本平生以奴婢田地分與季

子雍直各有分域繼云蓄積消滅債負奔亡依附

宗家得以蘇則雍直似是季本庶孽不肖子分以
 訾產居之于外者徐氏老而廣延死故又析其財
 有雍直徑管及悉以歸雍直之文慮雍直為嫂姪
 之害也故刊刻此石其云大婦小婦則子肅廣延
 之妻也碑稱小婦慈仁供養奉順不離左右則廣
 延夫婦俱孝其云五內摧碎則可見子孝而母慈
 也廣延雖非嫡長而事親久即世新故徐氏舍子
 肅而稱廣延母也此碑字子肅之上有兩字不甚
 明上一字髮髯是恭其下頗類成字但漢人無二

名而金恭有墓關及殘碑皆云恭字子肅可以證

季本之子字子肅者即金恭也但恭之下多一字

所不可曉

碑以考純為考妣弱冠為弱冠清滄為清儉催碎為摧碎陝少為狹少彘即奔

字明即

都鄉正衛彈碑

缺四 國

字缺六 公

伯子

缺二十 呂

其

缺十 國 缺 勞

用民

缺九 於

字缺十 相扶助卒

缺五 曰

字三十 不彊迄

于中平二年正月

缺 令

缺 國寧陵

君諱脩字

缺十

中 缺 以府丞董察

字缺二

撫昆陽承

缺 亂之餘

字 稱聖

烈缺有林官凡處缺循缺六軫既到庶缺丐缺二愍

夫繇役之不缺乃缺惟缺三聖之缺二丐有缺呂缺

字忠於是丐輕賦缺鍛調缺二富結單言府珽董科

例收其缺四之目臨時慕頗不煩居民時大守東郡

丕瓌丞濟陰華林優卹民隱欽若是由缺五郡校劉

缺為民約缺三丐無窮自是之後黎民用寧吏無荷

擾之煩野無愁痛之缺二回民所利斯所謂惠康之

榮缺景均之缺三也政之缺二於是丐成役之艱苦

於是缺二頌曰缺三命倚歟我君敦詩說禮寧德

丐民底缺輕賦帥約孔均繇役呂缺二士不缺六我

好爵聿懷多缺明德惟馨民呂卒缺二耕千耦梵梵

乘稷丐骨缺二永缺不缺五中明慧通缺若五大夫

服厲缺四為缺掌領缺書缺二單錢復不缺吏缺五

若其缺勸道有功

時缺二范秩字元睢尉曹掾都缺字漢賓史張芑字

子才有秩定陵杜則字孝缺七守字國寶陳缺四

右韻繩正衛彈碑隸額文十一行頌四行張芑杜

則數人題名二行靈帝中平二年立在汝州昆陽

城中水經魯陽縣有南陽都鄉正衛為碑平氏縣
 有南陽都鄉正衛彈勸碑此則其一也趙氏誤認
 衛為街遂云莫曉其為何碑予初得已翦貼本續
 後始獲全碑考其文則縣令寧陵君承昆陽喪亂
 之餘愍繇役之害結單言府班董科例收其舊直
 臨時募顧不煩居民太守東郡王瓌丞濟陰華林
 優卹民隱為之立約自是之後吏無苛擾之煩野
 無愁痛之聲其大略如此又云因民所利斯所謂
 惠康之策又有輕賦歛及役艱苦之語頌則美其

輕賦均約蓋是紀述守令繇役條教也前書食貨
 志月為更卒已復為正注云更卒謂給郡縣一月
 而更者正卒謂給中都官者衛宏漢官舊儀民年
 二十三為正一歲為衛士一歲為材官習射御騎
 馳戰陣又云民給正衛材官年五十六老衰乃得
 免為民酸棗令劉熊碑云愍念烝民勞苦不均為
 作正彈造設門更此云都鄉正衛彈者與劉君碑

碑以黎為黎荷
 為苛梵梵為芘

芘顧即顧字瓌即
 瓌字堅即野字

舜子巷義井碑

縣邑字缺二宮前以宛缺汜字缺二衣缺去古下缺踰疆

者字缺二弱者下缺訾下缺鄉下缺任然下缺丁吉二缺

守府下缺如縣記利廣興缺中下缺記下缺百下缺

光和三丰缺月下缺縣下缺發下缺州下缺計市馬

下缺四萬下缺亂常下缺大缺木字缺三會字缺三百萬

分下缺升下缺

右舜子巷義井碑凡二十三行行三十七字石理
皴剥僅有五十餘字依約可辨其間有光和三

字却為漢碑也其始有縣邑二字蓋是叙述其事
末有四萬及百萬等字則是紀其所費也中有疆
者弱者之文當是疆者捐其財弱者輸其力也据
水經云義井出隨城東南常湧溢而津注冬夏不
異下流與澁水合又南注于瀆則此非穿鑿之井
故工役之費至五十餘萬碑在隨之舜子巷元祐
丁卯年郡守許覺之始徙于後圃識其陰云五大
夫秦爵也秦距今千數百年漢東故物獨此尚存
又刻詩一篇於碑之額云一千二百餘年外萬事

銷磨不可尋舜子井泉誰記古隨人間巷祇知今
隸書字雜科蟲體民爵名存樂石陰登覽時未醒
醉目猶勝他物在園林子謂秦人刻石皆用篆許
君不能詳視碑中光和紀年遂指此為秦碑非也

義井碑陰

五大夫王缺本二萬五大夫段缺本二萬五大夫段
通本二萬五大夫段缺本二萬五大夫魏忠本二萬
五大夫蔡缺本二萬五大夫魏加本二萬五大夫呂
石本二萬五大夫黃海本二萬五大夫段宮本二萬

五大夫缺任本二萬五大夫段缺本二萬五大夫段

方本二萬五大夫段錫本二萬五大夫缺萬本二萬

五大夫陳缺本二萬五大夫缺本二萬五大夫

禮本二萬五大夫缺本二萬五大夫耿缺本二萬

五大夫缺本二萬五大夫缺本二萬五大夫

五大夫缺本萬五大夫缺本萬五大夫

字萬五大夫缺千五大夫缺千五大夫缺千

下缺分子缺萬分子缺分子缺分子缺分

子缺分子缺分子缺分子缺分子缺分子缺

本萬分子潘缺本萬分子缺安本萬分子缺本萬

字二周開本萬分子字二本三千分子字二本三千

分子字四字四字三字三字三千分子缺容

本三千分子缺林本三千分子缺南本三千分子缺

將本三千缺子季宜本三千分子字二本三千分子

樂缺本三千缺二分子黃國本三千分子孫景本三

千分子竇詡本三千分子廉祥本三千分子賈方本

三千分子黃邈本三千分子王潤本三千分子缺與

本三千分子字二本三千分子蘇尚本三千分子張

栗本三千分子張缺本三千分子字三本三千分子

周謂本三千分子周季本三千分子缺能本三千分

子張宣本三千分子缺海本三千缺二人分子張景

本三千分子張芳本三千分子龔儀本三千分子楊

徹本三千分子唐豪本三千分子孟戍本三千分子

馬相本三千分子唐缺本三千分子許臺本三千分

子蔡泯本三千分子王豐本三千分子黃持本三千

分子張雙本三千分子郭昌本三千分子字二本三

千分子張濟本三千分子謝林本三千分子字二本

三千字缺四本三千缺一人

上缺羽下缺馬及下缺息勿下缺功下缺干下缺不

下缺門下諸下缺平馬下缺萬五千下缺死備如下缺

自下缺本矣下缺

右義井碑陰稱五大夫者三十一人稱分子者六十人摩滅者數人題名之下又有數十字蓋是紀事之辭殘缺無成文者漢承秦制爵二十級其九爵曰五大夫帝紀安帝永初三年三公以國用不足奏令吏人入錢穀得為關內侯虎賁羽林郎五

大夫緹騎營士又靈帝光和元年初開西邸賣官自關內侯虎賁羽林入錢各有差則知漢末以貨受爵比屋皆然此碑五大夫所以若是之眾也惟分子未詳穀梁曰燕周之分子也注云燕召康公之後分子謂周之別子孫也景北海碑鴉梟不鳴分子還養蓋用家富子壯則出分之語謂惡逆之鳥鉗喙無聲外爨之息歸奉三牲也耿勳碑脩治狹道分子効力謂正丁已供差徭分子亦來助役此碑分子似指土豪出分子三碑皆與穀梁合



隸釋卷第十五

隸釋卷第十六

武梁祠堂畫像

四老神坐神祚机

麒麟鳳凰碑

劉讓閣道題字

詔賜功臣家五字

中部碑

武梁祠堂畫像

伏戲倉精初造工業畫卦結繩以理海內

祝誦氏無所造為未有者欲刑罰未施

神農氏曰宜教田辟土種穀以振萬民

黃帝多所改作造兵

字缺三

裳立宮宅

帝顓頊高陽者黃帝之孫而昌字缺二子

帝倍高辛者黃帝之曾孫也

帝堯放勳其仁如天其知如神就之如日望之如雲

帝舜名重華耕於歷山外養三事

夏禹長於地理字缺一泉字缺一陰隨字缺一退為肉刑

夏桀自伏羲至夏桀是一段

管仲 齊桓公 曹子刳桓 魯莊公

字缺一侍郎字缺一專諸炙魚刺殺吳王 吳王

荆軻 樊於其頭 秦武陽 秦王自管仲至秦王是一段

缺二人名 豫讓殺身以報知己缺一人 韓王 耳聃政

齊王 無鹽媿女鍾離春自豫讓至無鹽是一段

梁高行 奉金者 使者

缺一人名 胡妻 秋胡

義姑姊 姑姊兒 衛將軍自梁高行至衛將軍是一段

缺一人名 使者

長婦兒 梁節姑姊 採者 姑姊其室失火取兄

子往輒得其子赴火如亡示其誠也

缺二人名 後母子 前母子 齊繼母

京師節女 怨家攻者自使者至怨家攻者是一段

藺相如趙臣也奉璧於秦 秦王

范且 缺二人名 自藺相如至范且是一段

曾子 字缺一 孝呂通神明貫感 字缺一 祇著乎朱方後世

凱式 字缺一 無綱

子騫後母弟 子騫父 閔子騫 字缺一 母居喪 字缺一

移子騫 字缺一 寒御 字缺一 失 字缺一

老萊子楚人也事親至孝衣服斑連嬰兒之態令親

有驢君子嘉之孝道大焉 萊子母 萊子父

丁蘭二親終後立木為父鄰人假物報乃借與 自曾子至

丁蘭是伏戲下一段

處士 縣功曹 是豫讓下一段

缺一人名 榆母

渠父 邢渠哺父

永父 董永千乘人也

章孝母 朱明 朱明弟 朱明妻

李氏遺孤 忠孝李善

休屠像 騎都尉 自榆母至騎都尉是梁高行下一段

義士

缺一人名

義塚羊公 乞塚者

湯父

魏湯

字缺一

孝

字缺一

葬

字缺一

者

孝孫

孝孫

字缺一

父

自羊公至孝孫父是梁節姑下一段

右武梁祠堂畫像為石六其五則橫分為二梁高行蘭相如二段又廣於它石所畫者古帝王忠臣義士孝子賢婦各以小字識其旁有為之贊文者其事則史記兩漢史列女傳諸書合百六十有二

人有標題者八十七人其十一人磨滅不可辨又有鳥獸草木車蓋器皿屋宇之屬甚衆水經云余鄉有司隸校尉魯恭冢冢前有石祠自書契以來忠臣孝子貞婦孔子及七十二弟子形像皆刻之四壁今此碑無闕里聖賢知其非魯君石祠中物也又云鉅野有荊州刺史李剛墓其石室三間四壁雕刻為君臣官屬龜龍麟鳳之文飛禽走獸之像今此碑不畫四靈又知其非李剛石壁也趙德夫雖云嘗得魯君石室所刻而題其所藏碑則云

武氏石室畫像其說云武氏有數墓在濟之任城
墓前有石室四壁刻古聖賢像趙君東人當知其
實而不能辯此畫為武氏誰人家前者金鄉鉅野
皆隸山陽與任城接境必是東州阡壟當時競有
此製子案任城有從事掾武梁碑以威宗元嘉元
年立其辭云孝子仲章季章季立孝孫子僑躬脩
子道竭家所有選擇名石南山之陽擢取妙好色
無斑黃前設壇墀後建祠堂良匠衛改雕文刻畫
羅列成行攄騁技巧委蛇有章似是謂此畫也故

予以武梁祠堂畫像名之後之人身履其壤會能
因斯言以求是先儒說三皇五帝者不一太史公
采大戴禮舉少昊而不錄經傳皆云帝顓之後黎
為祝融蓋高辛之火正也惟莊子以祝融氏與戲
農赫胥同辭白虎通既依史記五帝之序遂以戲
農祝融為三皇至論五行則又以祝融為南方之
神初非通論此碑以祝誦為祝融而介於戲農之
間則白虎通之說也帝王世紀稱上古聖人牛首
蛇身之類亦猶孔子四十九表所謂龜脊虎掌世

之言相者有犀形鶴形之比也俗儒作圖譜遂有
真為異類之狀者此碑所畫伏戲自要以下若蛇

然亦非也

碑以樊於其為樊於期秦武陽為秦舞
陽媿女為醜女凱式為楷式斑連為斑

爛者即嗜字劫即劫字
猴即漿字魏即魏字

四老神坐神祚机

園公神坐

角里先生神坐

園公神祚机
綺里季神祚机

右四老神坐神祚机凡四揚子雲法言曰美行園

公綺里季夏黃公角里先生班孟堅叙近古逸民

與揚子同陳留志云園公姓庾字宣明常居園中

因以為號夏黃公姓崔名廣隱居夏里號曰黃公

角里先生姓周名術或曰霸上先生皇甫謐之徒

說又相戾故顏師古注漢書悉棄不取陶淵明詩

有黃綺之南山杜子美詩有黃綺終辭漢之句似

亦以夏為地名也惟圈稱陳留者舊傳自序云圈

公為秦博士避地南山惠太子以為司徒至稱十

一世此刻有圈公神坐及神祚机則圈公盖有所

據也此四人者神坐及胙几當各有之今綺季角里尚闕其一而黃公者未見傳者云數十年前商於農人耕地得此

麒麟鳳凰碑

麒麟
鳳凰

右麒麟鳳凰碑凡二石其像高二尺餘圖寫甚有生意所題四字頗大漢代鳳皇集郡國頗有之惟麟不多見爾此刻亦猶李翕黃龍白鹿碑之類也

又有山陽麟鳳碑二物共一石其像小於此碑像下有贊云天有奇鳥名曰鳳皇時下有德民富國昌黃龍嘉禾皆不隱藏漢德巍巍分布宣揚又云天有奇獸名曰麒麟時下有德安國富民忠臣竭節義以脩身闕愆采善明明我君碑陰有記云永建元年山陽太守河內孫君新刻瑞像最後有銘辭皆篆文也胡承公云其石兩旁有隸書六十九字趙氏但得其篆予所藏亦然

劉讓閣道題字

建寧元年十月上旬工健為武陽劉讓造

右劉讓所題十六字相傳云在蜀中閣道建寧者
靈帝年號漢碑書健為之健皆作健

詔賜功臣家字

詔賜功臣家

右詔賜功臣家五大字今在蜀中似是漢人所書曰
其事不可詳也

中部碑

上缺 祭酒謝俊 下缺 主記 字缺 三 封規主簿 字缺 二 子 缺

門 缺 史李慈世 字缺 曹掾任 下缺 右 下缺 曹 下缺 水

曹 下缺 周 下缺 祭 下缺 武功 下缺 史 下缺 伯 下缺 臺

下缺 盛舉 下缺 王元陽 下缺 長尊 下缺 門下功曹 下缺

門下游徼 下缺 主記史 下缺 門下賊曹 下缺 史 缺 球

下缺 掾卓 下缺 掾 字缺 三 宣 下缺 曹掾黃 字缺 三 章右金

曹掾慶嵩元 下缺 甫 下缺 法曹 缺 周順 下缺 曹掾 二 缺

字 子能右賊曹掾 下缺 胡真 下缺 兵曹掾文雒 字缺 二

功曹史謝陽 字缺 二 右戶曹史陳 字缺 三 右金曹史王 二 缺

字 法曹史 字缺 二 子慎右賊曹史王 缺 封 缺 兵曹史 下 缺

供曹史下缺尉曹史下缺中倉曹史任丞下缺曹史

字缺二舉下缺史張缺元下缺曹史字缺二元寸字缺二畫

夫鄭憲德量校官主缺師周缺子堅校官祭酒缺寧

升舉缺部缺書掾缺任定英茂缺里祭酒任下缺陽

里祭酒李元升下缺新安缺里祭酒缺郡字缺二卓下缺

威缺里祭酒卓世下缺明字缺二里祭酒解下缺永安

里祭酒下缺安昌里祭酒楊邦下缺宜邈里祭酒韓

子下缺中東里祭酒缺海明下缺西賈里祭酒任仲

礼下缺高陽里祭酒王暘德下缺營里祭酒缺德下缺

中文營里祭酒周升下缺營里祭酒張永下缺

右中部碑隸額今在均州凡題名五十餘人如漢

世碑陰而有額謂之中部殊不可曉石理漫滅名

字廟有存者所稱諸曹掾史功曹主簿與它碑同

其間游徼嗇夫各一人祭酒十六人其一人曰校

官祭酒餘則里祭酒也游徼嗇夫漢縣皆有之凡

此諸曹史蓋縣吏也成都左右生碑有文學祭酒

則此之校官祭酒也如淳曰祭祠時唯尊長者以

酒沃酹胡廣曰古者賓客得主人饌則老者一人

舉酒以祭地凡官名祭酒皆一位之元長也西京以宗室為劉氏祭酒著節老臣如蘇武亦有此稱東京擇博士聰明有威重者一人為祭酒此碑所書里祭酒雖未詳所出殆是閭里高年如鄉三老之類者

隸釋卷第十六

隸釋卷第十七

趙相劉衡碑

富春丞張君碑

郎中郭君碑

廣漢屬國都尉丁魴碑

南陽太守秦頡碑

魯相謁孔廟殘碑

平原東郡門生蘇衡等題名

益州太守無名碑

并陰

吉成侯州輔碑

并陰

趙相劉衡碑

君諱衡字元宰濟南東平陵人也厥先尚矣聖漢龍興下缺王爰啓冀土遷于岱陰自康侯以來弈世

承君肩缺頌之純缺丁炎缺之運時放依下缺相王

字缺三其采孚藻發於成就慕周行而彌長不字缺二竝

之字缺二蹈字缺二之則不缺師訓之范而踐四教人道

所謂義方字缺二所謂言忠信不師而自缺者也是缺

雄雉協服莫不歸稱仕下缺侯下缺于缺勃海王帝

之家弟不遵憲典君以特選為郎中令彈枉缺慝匡

弼字缺二以缺兄琅琊相亡即日輕舉州察茂材缺除

蔭令遷張掖屬國都尉以病徵拜議郎缺遼東屬國

都尉不缺拜趙相左位三下缺左疚字缺二行缺拜議

郎字缺二連徵不就君之始仕為吏師仍綏京缺興惠

訓下缺陟功西尉渠搜荒服來王後遷于趙叙民種

德威懷缺立缺清字缺二匡字缺二直字缺三俗惡容悅之

密缺承缺靈以字缺二宜錫缺福三壽任朋旻穹不帛

字缺三疾年五十有三以中平四缺二月戊午碎其四

月巳酉葬梁木圯墜閔嗣多孤下缺所自律缺棊勒

字缺三詒聲伐于後昆其辭曰

於穆我君邦家之缺正巳帥義求福不回缺言以道

遠缺先幾字缺二有疾百侯僉咨舍德何取將缺名缺

如何弗

字三

云亡天方

缺

靡

缺

肯降

缺

歿而名垂善

缺

令終休烈孔

缺

永

字二

風爰勒金石千載遺芳

右趙相劉君碑在齊州歷城縣劉君名衡字元宰為渤海王郎中令察茂材除蔣令歷張掖屬國都尉議郎遼東屬國都尉趙相再為議郎以靈帝中平四年卒碑云渤海王帝之冢弟不遵憲典君以特選為郎中令渤海王名悝威宗之母弟也靈帝紀熹平元年書渤海王被誣謀反自殺曹節傳云節與王甫逐捕朱雀闕誹書人不獲誣奏渤海王

誅之宋后傳載靈帝夢威宗曰悝已自貶又受誅斃今訴於天上帝震怒帝以問許永對曰渤海處國奉藩未嘗有過曾不證審遂伏其辜如史所載則渤海死非其罪似作碑者附會時論辭有溢惡然威宗紀延熹八年書勃海王謀反降為癭陶王後二年復舊則渤海亦非身端行治者癭陶既已覆車不能率德遷善遂罹孥戮之禍哀哉孝靈之夢則齊諧家所志也

碑以范為範碎即卒字棊即刊字

富春丞張君碑

君諱字龍君之第三子君之弟承下

父兄下矜矜寘悔遊居出孝友宣聞忠信瀾下

涉貫多通朝立節正言卓如松歲寒而不凋下

六州事臨疑吐下深其操智君下

之尤可稱有秩除吳郡約清間教下丞

道疾三年癸亥景命不祿君嚴平李德上感

下新市富春各復早世既隕慈恕續嗣不茂哀心摧

剝靡下碑古今之常乃登山菜石刊照厥勛其辭

曰峨峨富春膺姿清烈孝擬參騫人無間伐與友必

信久而密敬州閭稱實佐政流化垂歌吳域

位細德弥禮讓雖穆曷寤旻穹圮此英喆哀矣永徂

命不可追周孔至仁弗能扞違銘勛示後呂章厥輝

右漢故富春丞張君碑篆額在亳州張君之名彷彿

如湏字土人以為張湛亦非也碑載其父兄而

官稱磨滅誌文多不成章而銘詩可讀其間云三

年癸亥景命不祿考東都歷年凡三癸亥永平與

光和之六年延光之二年是也建光有三年則歲

在癸亥但次年壬戌已改延光亳社去雒陽不遠

不應踰兩載而不知改元也此碑先已裝剪不無
顛倒棄去者三年之下盖有關文也世即世字
菜即采字

郎中郭君碑

漢郎中郭下缺君業缺安命書所字缺五肅字缺六其下缺

主簿督郵缺帥下缺守字缺二思字缺二以齊其民字缺二

氏其殆庶幾缺其有之是以似之以孝廉字缺三郡缺

功字缺二樹缺室與字缺二如字缺二臨缺如字缺二祠丞嘗

惠兄仲犀奉繆鄉缺禮終缺舉缺臺閣以尹王室遭

疾缺旬醫莖缺究字缺三剝切天子使弔羣后咸怨括

人違殂絕缺寒之性既納嬪字缺二頌周南之缺遭二缺

之誼為人後者為之子州郡缺北俊艾叙聖踰括

君之功烈缺銘天府乃共刊石樹碑式旌下缺

矣郭君柔嘉惟則玄靜缺重猗缺令色缺德惟缺

威儀是力從善懲惡讒慝斯缺功奮千里字缺二咸缺

孰不呼天懷忠傷絕元兄繼世貞缺守節壺字缺三載

典籍矣追顏驂冉通神明矣後人字缺二永不缺矣

右漢郎中郭君之碑隸額名字皆缺文辭亦有可

句者其云惠兄仲犀又云元兄繼世而有為人後

者為之子之文蓋郭君以兄之子為後也郭仲奇
碑嘗有惠兄之稱此碑復爾仲犀者若非仲奇之
伯仲則其同族也

廣漢屬國都尉丁魴碑

廣漢屬國故都尉丁君諱魴字对河君缺往知形九
德就穆耽樂術藝文雅少疇治易韓詩垂意春秋兼
究祕缺五義率由缺明哲缺漢劉缺落高明與
世絕殊建迹蜀郡屬國風溼巴蜀施刑缺表以糾
上缺荒缺州恩加一郡化洽蜀柔三載功成遷廣漢

字缺七善疾惡字缺二有缺朱紫不替缺蜀汶水爭弘鄂

邦漑灌田畝缺汜疇佰字缺四二字缺五百字缺二起駱驛

紫徹昭察授以苻萸缺理邊邦羗夷缺兇字缺二分部

頓顙字缺二朝廷諷誦四遠翕赫鄉人好事嚴子脩缺

仲容趙伯字缺二發字缺二汝報缺等六十餘人回斯表

勒以效後彦其辭曰

炎唐聖德衽缺漢皇百字缺三自西徂東隆平字缺三以

建邦缺不協和萬國明洞君惠子行志則缺從化三缺

字奕字缺六火字缺八以公為世建字缺五无窮号

元嘉元年十一月六日造

右廣漢屬國都尉丁君碑今在巴州威宗元嘉元年立丁君名魴字叔河其碑僅有數句成文如云
耽樂術藝文雅少儔治易韓詩垂意春秋其仕則
初為蜀郡屬國都尉三載功成遷于廣漢立碑者
六十餘人嚴子脩為之首
碑以施刑為弛刑疇佰為疇陌駱驛為絡繹

南陽太守秦頡碑

上 曹伯益 下 佐成禹績 下 曰 下 以 下 邦奕世載德
萬生君稟堅和之行秉賢明之 下 施不求報惠子 二 缺

字 然而質性剛毅温恭以將之勇 缺 以守貞 下 缺 有

全 缺 之事三司來上為會稽府丞 下 缺 三 缺 光和三

丰拜 下 缺 宣威恩齊其教不易其俗 下 缺 交 缺 二 降

萬有 缺 人 下 缺 可 下 缺 久 下 缺 之後 下 缺 作 下 缺 子

道焉 下 缺 之方 下 缺

孝廉宛 字 缺 二 子仁孝廉安眾 下 缺 孝廉安眾劉略子達

孝廉安眾 字 缺 四 孝廉安眾張儉子約孝廉章陵 字 缺 四

孝廉新墅陰剛子直孝廉驥 字 缺 四 孝廉順陽郭儀文

卿孝廉葉虞 字 缺 三 孝廉宛史琬子俊孝廉章 字 缺 二 能

茂升上計掾平氏朱諒季平上計掾字二育子和上計史宛卓韶缺伯上計史宛缺艾字二上計下缺

右漢故南陽太守秦君之碑篆額歐趙皆云文已磨滅惟存其額十大篆予所得者猶有九十餘字其後有孝廉十一人上計掾史五人題名靈帝紀中平元年三月南陽黃巾張曼成攻殺郡守褚貢六月南陽太守秦頡擊曼成斬之三年二月江夏兵趙慈反殺南陽太守秦頡水經云宜城有南陽太守秦頡墓墓前有二碑頡郡人也以江夏都尉為南陽守道過宜城見一家東向頡駐車視之曰此可作塚後頡卒於南陽喪還至此車不肯進故吏因市此宅葬之則知此為秦頡碑也其間有光和三年字蓋是述其前事天下碑錄云碑在宜城熹平年立非也

魯相謁孔廟殘碑

上缺許缺帝命英授俾相于魯吉月令辰欽謁下缺地龜藏寶覽鴻基之曠蕩觀林木之窈下缺揚美風而動物和陰陽以興雨假爾收仰下缺訪之儒彥稽

之典謨聖德設章先民有下缺左盾牒春秋烝嘗幾以獲福昔在周人下缺成共立碑石因而銘之咸自紀藉天下缺

上缺史字赫德東海況基人下缺儒字仲睢東海人下缺

右無名碑首尾上下皆碎裂餘石纔有數行詳其辭非是諛墓中人者亦非頌德政紀工役之事前有帝命筭授俾相于魯吉月令辰欽謁十四字又云春秋烝嘗幾以獲福蓋是謁廟之文後有訪之儒彥稽之典謨聖德設章及昔在周人之句似皆

是鋪張孔子也中云覽鴻基之曠蕩觀林木之窈深似指孔林而言或題為駐蹕亭前斷碑此亭蓋在闕里趙氏著錄有魯相謁孔子碑而無其說疑即此也未有叔德仲雅題名皆東海人而亡其姓碑以況基為祝其乃春秋夾谷之地又假爾為遐邇

平原東郡門生蘇衡等題名

上缺國缺字文缺門生平原高字缺三字缺二門生東

郡下缺門生北海劇字缺二字孟高門生東郡樂平蘇

衡字缺二門生平原高字缺二儀字威祖門生東郡樂

平高扶字

字缺二

門生

下缺

門生平

下缺

道超門生東

郡聊城路

下缺

平原安德

字缺二

字

缺

貴門生陳

字缺

馬師

字缺三

門生平原安德寧

下缺

漢興

下缺

門生陳

笛

下缺

平原安德

字缺二

字雒子門生東郡

字缺三

伯將

門生平原安德

字缺二

字

缺

方門生陳

字缺

門生

下缺

子弘門生汝南

字缺

楊

下缺

原安德

字缺

武字文祖

下缺

公輔門生平原安德

字缺

謾字伯超

下缺

門生汝南

下缺

字

缺二

門生平原濕陰馬象字世輔門生穎川

下缺

表門生平原濕陰方

字缺

字次

缺

門生穎川

下缺

門生

平原股丁

字缺

字興祖門生梁國睢陽

下缺

甫興門生

平原股祝循

字缺二

門生下邳徐祖射字常真門生

南陽樊

下缺

門生

下缺

文超

下缺

門生平

下缺

東平

無鹽

下缺

右平原東郡門生蘇衡等題名三十餘人蓋東郡

平原北海陳留汝南穎川梁國下邳南陽東平十

郡之士也姓名多已淪滅或云碑在孔里駐蹕亭

前或題云孔府君碑陰天下碑錄載孔墓之碑凡

八隸釋有其三矣趙氏有元年乙未孔君碣亦不

知為何人也如司空孔扶河東太守孔宏御史孔翊從事孔君德博士孔志五碑皆世所未見者

碑以

益州太守無名碑

永壽元年三月十有九日益州太守缺君卒嗚呼懷

哉缺四如何我君遭命墮墜國喪雄幹世也罔則吏

民缺二立石紀迹其辭曰

君其祖後缺五為漢表磨位缺術缺九名缺一

鬼仿凶儉稟堅良缺三大郡缺有缺二澄內清外以

身帥下誅豪討憝處缺二口缺二消慝述缺以寧貪

饕改操革濁為清犁地安土人歌大平超前守之治

迹缺沒世而無缺當缺五何缺二命不豫缺疾徂靈

遠近傷切痛于倉乾缺於舊缺長決缺二折而不朽

名勒冊書嗚呼懷哉

亂曰仲尼去魯子君子失路喪賢君子與誰憇失明

哲子入川戶名不滅子功苗後缺三子祐孫子

功曹掾建伶缺澤字文缺主缺五字缺二從史牧靡

字缺二元白從史楨棟缺二字缺二故吏牧靡孫缺

字缺二故吏滇池字缺二字字缺二故吏建伶字缺二字字缺二

字字缺二故吏滇池王字缺二材字缺五字字缺二故字缺五字

王字缺四故吏建伶李字缺四故吏字缺二故吏字缺二故吏字缺二故吏字缺二

下字缺四故吏字缺四故吏字缺四故吏字缺四故吏字缺四故吏字缺四

吏字缺四故吏字缺四故吏字缺四故吏字缺四故吏字缺四故吏字缺四

吏字缺四故吏字缺四故吏字缺四故吏字缺四故吏字缺四故吏字缺四

吏字缺四故吏字缺四故吏字缺四故吏字缺四故吏字缺四故吏字缺四

吏字缺四故吏字缺四故吏字缺四故吏字缺四故吏字缺四故吏字缺四

吏字缺四故吏字缺四故吏字缺四故吏字缺四故吏字缺四故吏字缺四

右益州太守碑以朱爵為額龜蛇為趺龍虎銜壁
在其兩旁一崇碑也首云永壽元年三月十九日
益州太守某君卒其姓獨利滅或有謂之馮君者
豈予所藏偶不明邪碑云澄內清外以身帥下又
云貪饕改操革濁為清則素絲羔羊之風必有光
前絕後者夫丹書鐵契高帝所以申信誓於功臣
也後人以斐豹之事遂指丹書為罪籍講德者不
復用之此云名勒丹書謂丹青也碑之左有功曹
掾故吏題名四十八人皆屬邑建伶牧靡楨棟滇

池穀昌俞元之人也僅有王李數姓可辨名字皆

不具矣

碑以犁為黎倉為蒼懷即
哀字恩即惡字川即坤字

益州太守碑陰

故吏牧靡陳漢字伯成故吏牧靡楊缺字茂材故吏

牧靡下缺

右益州太守碑陰有牧靡故吏三人題名在趺之
右此碑刻五玉三獸下有牛首蜀中漢碑如是者
有柳敏碑陰馮緄墓道雙排六玉碑又有單排六
玉碑與此凡四柳敏馮緄兩碑六者皆同此碑無

璜單排碑兩璜而無瑁鄭氏注周官云璧圜象天
琮八方象地圭銳象春半圭曰璋半璧曰璜惟琥
但云琥猛象秋為之圖者皆云琥以方玉刻伏虎
之形聶崇義所畫琮八出如花片陳祥道禮書又
云琮體方而四角此碑之琮則五角單排碑則十
角焉柳碑中者則同鄭說玉人云天子執冒以朝
諸侯說者謂冒方四寸其下邪刻之廣狹如圭首
諸侯執圭來朝以此冒之所以濟瑞信猶合符也
碑有者三獨無六器之琥爾此碑刻瑁圭璋於

上琮璧於下其中則鼎列三獸柳敏碑則一禽
 於首一獸為之趺六玉之中有牛首一而貫之以
 環馮緄碑則其上刻禽獸各一其下一牛首六玉
 之下又刻兩獸有一人跨其右者單排碑則
 爵而下玄武其六玉則右璋左圭又雙璜相向如
 佩次之璧與琮又次之蜀人名之單排六玉未知
 何人冢前物也此碑之圭瑁馮緄之璧琮璜則白
 餘皆黑也緄墓前又有一碑亦上朱爵而下玄武
 其中無文謂之六物碑

吉成侯州輔碑

缺二輔字缺二世缺五于炎缺八君缺五卿衛特以

才明敏達拜小黃門還事和熹后孝安帝安思皇后
 時為大宮令孝順皇帝踐胙之缺復弘拜小黃門遷
 臧府令當拜中常侍讓與同郡錡任後以病孫位起
 家復拜謁者令中尚方缺遷中常侍遭順帝棄天下
 扶佐孝冲孝質帝兼領黃門令順烈皇后攝政以君
 舊缺拜長樂大缺遭孝質無嗣乃定冊帷幕煖立聖
 主有安社稷之勲建和二年七月己巳詔冊曰蓋聞

春秋之缺采豪毛之善大漢典制有恩澤之封輔歷

世守省恪恭位著建立之際處乎左右常伯之職同

缺協意以亮天功往者鄭衆蔡倫行事科比其封輔

為葉吉成侯和平中君復轉拜大長秋兼以缺侍之

位括統前後明先帝法令曉舊章之事周密澍慎奉

已守度在寵弗盈能自挹損爵缺日隆持之益懼每

所典領威禁不犯遠惡辟害不離艱難所謂摩而不

粼涅而不緇者缺朝廷禮之以君耆老有机杖之賜

年六十有二永壽二年十二月丙子薨中外咨悼賻

贈缺茅昔管蘇之尹楚以直見疏死記其缺張卿之

在漢缺季布之缺以安高后論德比隆君寔缺於

是鄉人姻族乃相與刊石樹碑昭宣令問其辭曰

盛德之休實生君侯天授厥美忠貞以缺退翼軒缺

達缺華樞六帝四后是咨是諏錫以寵衣紫艾兼紆

幹國棟家以光以舒後缺禮缺人誰缺泥我貴

不濡缺君守固終始不渝旌之萬祀顯耀永譽

右漢故中常侍長樂大僕吉成侯州君之銘篆額

州君名輔為小黃門大宮令復拜小黃門歷臧府

令謁者令中尚方令中常侍黃門令長樂大僕大
 長秋封葉吉成侯以威宗永壽二年卒曹騰傳云
 與輔等以定策功封亭侯騰所封者費亭輔之封
 葉吉成者葉縣之吉成亭也此碑叙其歷事六帝
 四后詳瞻有史法與漢代它碑體格絕不同也東
 都閹尹挾震主之威舉動回山海呼吸變霜露及
 家凶身裂而龜鼎亦遷矣其碑刻存於今者有四
 曹騰碑陰乃兩制策爾此碑謂其恪恭周密在寵
 弗盈當拜中常侍而遜其鄉人樊安碑則謂其甘

貧樂約不覲榮貴為邑宰所慢然後慷慨從宦譙
 敏碑則謂其倍權守靜韜光遠咎恥與鄰人並驅
 三人者俱無列傳豈咸有殊操異於輩流乎譽之
 必過其實蓋諛墓之辭爾

還即逮字涅即涅字
 緇即緇字誅即越字

州輔碑陰

漢陽太守下缺故京北尹延薦封堅故東平相溫貢
 顯宗故益州太守駱肅文惠故交阯太守冠軍橋術
 伯道故上黨太守州郡當世司徒長史宛任缺伯陽
 故光祿丞宛趙堅封貞故臨湘令扶缺仲缺故商令

馬浮元顯廣平令王璋伯玉故廩犧令章陵錢訢禮

公車騎將軍司馬宛字缺二守矩小侯新野鄧辰伯臺

故細陽侯相州寶季珍故河陽長州宗伯興尚書侍

郎比陽張超伯載故海昏侯相謝杲缺朝郎中州博

起世光祿丞州永孟元公車令州忠紂玉故建城長

何拒世舉故建昌長唐超景遼故鄱陽長王福仲昭

故南武陽侯相張和仲異故便長督匡仲英故襄陽

長辟敏紂公故郎長州湯伯德郎中王恭季公郎中

陳充廣世郎中州超巨堅故隋守長州歆宣睢故荆

州從事州蘇宣豫故荊州從事州熹伯平故河隄從

事張睢伯宗故軹長胡肅伯於處士趙訢公甫處士

李缺文德故督郵蘇缺義山故督郵杜合巨孫故督

郵魯陽袁苞景伯故缺守令州稱子明故府掾杜瑗

次高故府掾何進定安故府掾王萇伯缺故府掾汪

直元孝處土州龍宣興處土王缺公缺處土傅稠公

缺下

右州輔碑陰自漢陽太守而下四十有九人其八

人稱邑曰冠軍曰宛曰章陵曰新野曰比陽曰魯

陽皆南陽之邑也餘人唯延篤有傳乃南陽犍人則不稱邑者犍之人也碑云鄉人姻族相與刊石則又知輔為犍縣人也輔當拜中常侍而遜其同郡錡任則輔蓋厚於鄉黨者故其殂而鄉人肯為之立碑趙氏云東漢名卿賢大夫死則門生故吏立碑而題其陰延叔堅當代顯人挂名于此亦可恥觀叔堅與李文德書豈登州氏之門者其後坐鉤黨廢錮鄉里至於圖其形于屈原之廟非終始無疵安能有此靈帝時中常侍張讓歸葬潁川一

郡畢至而名士無往者張甚恥之太丘長陳仲弓獨弔焉及後復誅黨人張感仲弓故多所全宥史官稱之曰漢自中世閭人擅恣俗遂以遁身矯潔放言為高士有不談此者則芸夫牧兒已叫呼之矣故時政彌昏而其風愈往唯陳先生進退之節必可度也蓋達而得位則正色立朝不可朋姦而趨勢及身退窮處則同塵所以遠害固大雅君子之所尚方叔堅居里而同郡為輔勒石借其名以為重叔堅亦不得而拒也非若它碑門生故吏之

比趙氏其何疑焉州姓見于簡策甚鮮此碑所題
 乃十有三人在內則令公車丞光祿居郎位在外
 則守上黨相細陽小者亦為州從事縣令長一璫
 在朝不但三人緩帶而已



隸釋卷第十七

隸釋卷第十八

司空宗俱碑

太丘長陳寔壇碑

縣三老楊信碑

益州太守城垣碑

是邦雄桀碑

仲秋下旬碑

故吏應酬殘題名

司空宗俱碑

公諱俱字伯儷南陽安衆人也

先蓋四岳出後

宗

缺十

禭父司隸校尉父長沙太守自初仕漢呂來

禭族枝葉

缺二十

不

缺

出

缺七

殊

缺七

大

缺二十

郡辟

隸釋

卷第十七

州察孝除

字缺

城門候

字缺

郎中

字缺

令

字缺

誦尹

蕪督骨徒

字缺

移

字缺

不肅而成

字缺

州郡仍

字缺

出

字缺

足

字缺

政

字缺

外

字缺

內

字缺

任

字缺

出

字缺

呂

字缺

二

字缺

令名布

字缺

華夏

字缺

不

字缺

清而

字缺

六藉徵拜議郎

字缺

漢

字缺

大

字缺

不

字缺

列功

字缺

議郎五官中郎將越騎校尉

字缺

汝南太守

字缺

功

字缺

大

字缺

統

字缺

八

字缺

台司

字缺

踐位

字缺

其辭曰

字缺

不

字缺

有

字缺

伊

字缺

入

字缺

天

字缺

上

字缺

不

字缺

有

字缺

伊

字缺

入

字缺

天

字缺

而

字缺

不

字缺

大

字缺

功

字缺

言

字缺

康

字缺

承英

字缺

適為大

字缺

少府

字缺

慈肅

字缺

恭適

字缺

大僕

字缺

適秩大常三礼有

字缺

帝曰

字缺

詔適

字缺

陟司空

字缺

土

字缺

同穹旻

字缺

下

字缺

右漢司空宗公碑篆額有陰碑之文皆已殘缺惟

名字郡邑父祖獨存而官秩尚可見宗公名俱以

察孝為城門候歷郎中議郎五官中郎將越騎校

尉汝南太守少府太僕太常遂拜司空碑云祖父

司隸校尉父長沙太守范史靈帝紀建寧三年七

月太常宗俱為司空熹平二年正月薨宗均傳云
 族子意意自有傳以章和中為司隸校尉其傳云
 孫俱靈帝時為司空碑與史皆合惟傳誤以宗為
 宗爾俱持國秉一歲有半雖無列傳不詳其人賢
 否而宦者傳云熹平元年有人書朱雀闕言天下
 大亂曹節王甫幽殺太后公卿皆尸祿無忠言者
 司隸劉猛以誹書言直不肯急捕若俱者亦尸祿
 一人之數也以禳為祖典即典字適即乃字碑中之字皆用篆文

太丘長陳寔壇碑

君諱寔字仲躬二字十之禮樂番番良缺既光既耀缺
 立於朝行成字缺七竝荷從司徒掾字缺九教宣流字缺六
 儀巍巍大清唯玄缺之明明六字十著望色缺飛缺勛
 克戰字缺四翼字缺十險而不字缺三食缺魚字缺五其君六缺
 志老字缺四耄矣梁頓山字缺三貽字缺九賢叅之方二缺
 仁學字缺宗道字缺二百辟字缺四臣吏民字缺三懷惟三缺
 相與字缺二碑字缺二勒壇字缺五靈我字缺二昭下五
 右故太邱長穎陳君壇其篆額穎之下闕二字陳
 君名定以靈帝中平三年卒本傳云穎川許人郡

國志注獻帝徙都許改曰許昌此額所缺者穎之
 下是川又一字當是許也額之題郡邑猶劉曜東
 平無鹽之比其云壇者蓋指廟中之壇段光為孫
 叔敖立廟作碑其文云興祀立壇是也此碑在毫
 州永城縣即古之太邱也傳云以沛相賦歛違法
 乃解印綬去吏人追思之碑中有色飛之句而飛
 之上下缺字盖用色斯舉矣之意乃載其去邑事
 也蔡中郎凡作陳君三碑其第一碑云許令以下
 至于國人立廟舊邑四時烝嘗歡哀承祀如其祖

禰先生存享重稱亡歆血食脩行於已得斯於人
 固上世之所罕有前哲之所不過也所謂立廟舊
 邑則知太邱有此碑勒其文皆已亡缺無可讀者
 惟其首云君諱寔字仲躬尚存諸書皆字陳君曰
 仲弓獨此碑不同殆是借用

縣三老楊信碑

故縣三老楊信字伯和祖自河東字七子任為陳留
 太守子游缺舉孝廉字七遷陵蠻夷為盜賊居交侵
 蔣厲兵甲字二眾患缺敵缺阻與主簿字六子十

營字缺二里第字缺七不字缺七笛為字缺民部縣字缺三曹上

列掾字缺七官掾功曹字缺二事字缺二長子字缺六少字缺子字缺

昌隱處潛字缺四人子字缺十世字缺二存惟兮和平大漢元

辛字缺不字缺四有字缺五六月上旬大陽用事扶衛字缺二

學字缺六大中字缺布乃字缺二罪罪字缺極之字缺靡不字缺六

三者大性字缺三字字缺七郡字缺之字缺禮鄉黨稱焉七十

有二遭疾不字缺哀我字缺三愴字缺然字缺更字缺辟世乾川不

宗字缺三不字缺生春秋字缺殞魂兮有靈時來歸字缺五

顏家絕字缺永字缺三子孫楊字缺追念義刑出字缺四勒石

缺下

右縣三老楊信碑今在蜀中石已剝剝鮮有成章

者惟官氏名字俱存所云陳留太守則其父祖也

其文有蠻夷盜賊及蔣厲兵甲之句蓋是述其扞

寇之績其官惟有官掾功曹四字其中有惟兮和

平大漢元年之文惟兮歎息之辭張偉伯墓中石

文亦用之和平者威宗之紀年其末云七十有二

遭疾則其所終之壽也碑以蔣為獎

法即赫字

益州太守城垣碑

上缺夫矣君之先也肇自軒轅以臻于君缺行布

光耀八埏君慕厥緒字缺之下缺衍然游學魯衛師

孔氏門鈞深河雜綜覽典墳於忠報君缺以禮招歷

下缺公缺獨立君臨危授命迺卦波遯回缺君字缺一

二百餘人字缺一請字缺一尚書下缺漢中先零沈巨羌

攻字缺一皆犯一字缺一之好缺所鄉風靡字缺一汁字缺一四

方會聚萬有餘人牧守字缺一寺缺後使者高字缺一君

二子習字缺一擊治之所苦史缺故字缺一分字缺一遣徐

福漢龍字缺一皆虛不實字缺一不缺君缺移缺收捕四缺一

字蜀之缺郭缺師徒字缺一三府交命遂就大尉歷臺

下缺八字缺一益州郡縣十八下缺十年三司集議缺

君缺謀首露缺之缺有詔拜君益州太守下缺一沛水下缺一

流邑無蔽日之宇路無禽鳥之跡字缺一所加下缺一仁

慈藜首愛下缺一帥以狗豸眾收葬路殍缺育孤缺至豸

玄月以下缺一又缺悉缺所字缺一小有缺人缺扶携老小

弘類而至缺人字缺一解寘眾下缺一十有八羊缺復缺火

此殘益州字缺一賴字缺一有字缺一十二下缺一之前字缺一悉

亡字缺一之後六下缺一廿缺方三百里旬月之間下缺一

木下缺大圍二尺四缺災缺不下缺於三缺二百餘人因

功後世下缺

右無名碑蜀人謂之城垣碑末有方三百里圍二尺字及用人用日數似是記板築事首云肇自軒轅以臻于君則紀其族系也游學魯衛師孔氏門鈞深河雒綜覽典墳則美其問學也自此歷官皆剗缺多叙討擊寇攘鳩集流散之事有先零氏羌攻犯及四方會聚萬有餘人之語三司集議以其有謀詔拜益州太守餘或句有可讀而上下文不

相屬矣弘即引字

是邦雄桀碑

是邦缺峻缺生雄桀遇則國良失八缺羌畔戾缺動

干戈州郡時無賦發君設貨寶俱謁五缺不缺人命

義二缺晉楊侯苗由彼適梁捷為武陽世七缺迄君

知二缺郡舉貢五缺掇十缺思五缺聲陰陽燮節

百穀滋益洽遠存三缺應七缺凶孽二缺楚荆大史

君將出征遠六缺人十缺千君以三缺賓布四缺

率缺羣八缺五丰政崇缺平道不拾遺六缺九十缺

三為中興勲少字缺四不義字缺四紀其缺曰

上缺字 二 号 字缺二 号 字缺四 伯 缺 德行 光缺 愛之風 字缺三 畏

缺下

右無名碑以天祿為額其下刻一牛首又有碑陰上朱鳥而下玄武其中則没字碑也此碑之首云是邦峻生雄桀峻之上下各缺一字盖言其山川孕秀也其間有晉楊侯苗由彼適梁捷為武陽之句疑其姓楊而家捷為也其初云畔羌動干戈州郡無賦發君設貨寶當是出家財以禦寇也其中

又有君將出征及賓布字亦是破賊之事碑今在

西州字畫類李翊碑 盈字

仲秋下旬碑

漢元成缺下氏之宗功冠當世缺下烈不隕厥問鎬摠

淵隩發明憲於事類鄉缺下蛾附遐邇晞風嘉再卓

執股桓辭病不降缺下方攀淹瘵繫載和缺下紀浚 缺

仲秋下旬粵日辛缺下忉怛羣儒咨嗟凡缺下其懷辭白

大明爰茲衰微三命縮羸悲彼缺下幽真背介嬪儷

孤嗣禫煢歎懷哉 缺下徵嘉斯 缺榮歎歎懷哉

右無名碑字畫清逸頗類故吏所立劉寬碑但石損字缺所餘亡幾其云紀渚者歲在渚灘也仲秋下旬粵日辛者所終月日也淹瘵累載者久苦沉痾也三命縮羸者嘗選貢也背爾嬪儷孤嗣禪梵者有妻帑也爾雅父為考母為妣嬪婦也郭璞注引詩書大傷厥考心聿嬪于京明非死異稱異州郭從事碑哀哀考妣追惟寶靈卜商號咷喪子失用此碑背爾嬪儷皆祖爾雅之說禮記生曰父母妻死曰考妣嬪後人自當為二親避獨不以故妻

為嬪者豈以妃嬪之故乎

碑以蛾為蟻禪為單

故吏應酬殘題名

故吏應酬故吏趙溢

右郡

故吏舒苗故吏榘宗故吏畏習故吏榘田故吏張緒
 故吏榘會故吏常楫故吏榘旦故吏榘庭故吏李稱
 故吏張衍故吏趙肇故吏常荒故吏苟雅故吏王思
 故吏王弋故吏董興故吏魏光故吏李興故吏朱明
 故吏楊生故吏王麻故吏王恂故吏呂永故吏唐治

故吏馮慈故吏楊瑋故吏劉賓

右江原

右故吏應酬殘題名共三十人此石所存者橫兩行爾上一行兩人之後則左右邛字其下一行凡十五人未有右江原字二邑皆隸蜀郡此蓋蜀郡太守碑陰也

楠即楠字
肇即肇字



隸釋卷第十八

隸釋卷第十九

魏大饗碑

魏公卿上尊號奏

魏受禪表

魏脩孔子廟碑

魏橫海將軍呂君碑

范式碑

張平子碑

附

魏大饗碑

惟延康元年八月旬有八日辛未魏王龍興踐祚規恢鴻業構亮皇基萬艷統世忿吳夷之凶暴滅蜀虜之僭逞于赫斯怒順天致罰奮爐席之校簡猛銳之

卒爰整六軍率凶怒暨單于烏相鮮卑引弓之類持
戟百萬控弦千隊玄甲曜野華旗蔽日天動雷震星
流電發戎備素辦役不更藉農夫安疇商不變肆是
以士有拊諫之驩民懷惠康之德皇恩所漸無遠不
至武師所加無強不服故寬令西飛則蜀將東馳六
旆南徂則吳黨委質二虜震驚魚爛階潰將記自三
江之流方軌邛來之阪斬吳夷以染鉞血蜀虜以釁
鼓曜天威於遐裔復九圻之疆寓除生民之災孽去
聖皇之宿憤次于舊邑觀豐而動築壇壝之宮置表

著之位大饗六軍爰及譙縣父老男女臨饗之日陳
兵清涂慶雲垂覆乃備俾衛整法駕設天宮之列衛
乘金華之鸞路達升龍於大常張天狼之威弧千乘
風舉萬騎龍驤威靈之飾震曜康衢旣登高壇蔭九
增之華蓋處流蘇之幄坐陳旅酬之高會行無筭之
酣飲旨酒波流肴烝陵積躅師設縣金奏讚樂六變
既畢乃陳祕戲巴俞丸劍竒舞麗倒衝夫踰鋒上南
踰高舩鼎緣幢舞輪擿鏡騁狗逐兔戲馬立騎之妙
技白席青鹿辟非辟耶魚龍靈龜國鎮之恠獸環變

屈出異巧神化自卿校將守以下下及陪臺繇圖莫
不歆淫宴喜咸懷醉飽雖夏啟均臺之饗周成岐陽
之猥高祖邑中之會光武舊里之宴何以尚茲是以
刊石立銘光示來葉其辭曰

赫王師征南裔舊靈威震天外吳夷驚蜀虜竄區夏
清八荒艾幸舊艷設高會皇德洽洪恩邁刊金石光
萬世

右大饗之碑篆額在亳州譙縣魏文帝延康元年
立相傳為梁鵠書碑字有不明者唐大中年亳州守
李暨再刻故有文可讀漢獻帝建安二十五年正
月魏王曹操死其子丕嗣位改元延康魏志云丕
以七月甲午軍次于譙大饗六軍是時漢鼎猶未
移也不為人臣而自用正朔刻之金石可謂無君
之罪人也武王載西伯神主于軍中者弔民伐罪
之師也不以姦賊之心欲吞吳蜀遂攘神器爾
操之肉未寒而置酒高會酣飲無筭金奏間作祕
戲畢陳誇諛語無所忌憚可謂無父之罪人也
士大夫擯藏其碑者特以字畫之故爾碑云八月

至譙而史作七月亦不必多辨也

碑以俾鄰為蹕
祭九增為九層

均臺為
鈞臺殺為菟

魏公卿上尊號奏

相國安樂鄉侯臣歆大尉都亭侯臣詡御史大夫安

陵亭侯臣朗使持節行都督督軍車騎將軍缺二字臣

仁輔國將軍清苑鄉侯臣若虛牙將軍南昌亭侯臣

輔輕車將軍都亭侯臣忠冠軍將軍好畤鄉侯臣秋

渡遼將軍都亭侯臣朶衛將軍國明亭侯臣洪使持

節行都督督軍鎮西將軍東鄉侯臣真使持節行都

督督軍領揚州刺史征東將軍安陽鄉侯臣休使持

節行都督督軍征南將軍平陵亭侯臣尚使持節行

都督督軍徐州刺史鎮東將軍武安鄉侯臣霸使持

節左將軍中鄉侯臣郃使持節右將軍建鄉侯臣晃

使持節前將軍都鄉侯臣遼使持節後將軍華鄉侯

臣靈匈奴南單于臣京奉常臣貞郎中令臣洽衛尉

安國亭侯臣昱大僕臣曼大理東武亭侯臣繇大農

臣霸少府臣林督軍御史將作大匠千秋亭侯臣照

中領軍中陽鄉侯臣楹中護軍臣陟屯騎校尉都亭

侯臣祖長水校尉關內侯臣凌步兵校尉關內侯臣
 福射聲校尉關內侯臣質振威將軍涅鄉亭侯臣題
 征虜將軍都亭侯臣觸振武將軍尉猛亭侯臣當忠
 義將軍樂鄉亭侯臣生建節將軍平樂亭侯臣圃安
 眾將軍元就亭侯臣神翼衛將軍都亭侯臣勣討夷
 將軍成遷亭侯臣慎懷遠將軍關內侯臣巽綏邊將
 軍常樂亭侯臣俊安夷將軍高梁亭侯臣昂舊武將
 軍長安亭侯臣豐武衛將軍安昌亭侯臣楮等稽首
 言臣等前上言漢帝奉天命以固禪羣臣因天命以

固請而陛下違天命以固辭臣等頑愚猶知其不可
 况神祇之心乎宜蒙納許以福海內欣戴之望而丁
 卯制書詔臣等曰缺五字魏志云足以時則虜未滅
 若以羣賢之靈得保首領終君魏國於孤足矣若孤
 者胡足以辱四海至乎天瑞人事皆

先王聖德遺慶孤何有焉是以未敢聞命臣等伏讀
 詔書於邑益甚臣等聞易稱聖人奉天時而論曰君
 子畏天命缺五字魏志云然後帝者有禪代是以唐
 之禪虞命以在爾虞之順唐謂之受終堯知天命去

已故不得不禪舜知歷數在躬故不

缺五字魏志云
敢不受不得

不禪奉天時也不取不受畏天命也漢朝雖承季末

陵遲之餘猶務奉天命以則堯道是以願禪帝位而

歸二女

陛下正於大魏受命之初抑虞夏之達節尚延陵之

讓體所枉者大所直者小所詳者輕所略者重中人

凡士

缺二字魏
志云猶為

陛下陋之歿者有靈則重華必忿憤於倉梧之神墓

大夏必鬱悒於會稽之山陰

武王必不悅於

高陵之玄宮矣是以臣等取以死請且漢政在奄宦

祿去帝室七世矣遂集共石于其宮殿而二京為之

丘虛

缺七字魏志云當
是之時四海蕩

覆天下分崩

武王親衣甲而冠胄沐雨而櫛風為民請命則活萬

國為世撥亂則致升平鳩民而立長棊宮而置吏元

缺四字魏志
云元無過罔

於

缺五字魏志云
前業而始有

造於華裔

陛下即位光昭文德以翊武功勤恤民隱視之如傷

懼者寧之勞者休之寒者以煖飢者以充遠人以德

服魏志云 寇敵以缺三字魏志 恩種德光被四表稽

古薦睦茂于放勳罔漏吞自裕于周文是以布政未

暮人神並和皇天則降甘露而臻四靈缺三字魏志

挺芝缺二字魏志 吐醴泉虎豹鹿菟咸素其色雉鳩燕

爵亦白其羽連理之木同心之瓜五采之魚珍祥瑞

物雜還於其間者無不畢備缺一字魏志 人有言徹缺

字魏志 吾其魚乎徹大魏則臣等之白骨既交橫于

曠野矣伏省羣臣內外前後章奏所以陳叙

陛下之符命者莫不條河洛之圖書授天地之瑞應

因漢朝之款誠宣萬方之景附可謂信矣著矣缺

裕矣高矣郡矣缺二字魏志 無以及五帝無以加民命

之懸於魏邦民心之繫於魏政世有餘年矣缺一字魏志

此乃千世時至之會萬載壹遇之秋達節廣缺三字魏志

度宜於缺三字魏志 孿狹缺一字魏志 不施於

此時久稽天命罪在臣等輒營壇場具禮儀擇吉缺

字魏志 昭告昊天上帝秩羣神之禮湏禋祭畢缺三字魏志

志云會 于朝缺一字魏志 議率號正翔服色當所以施

行臣謹拜表朝堂臣歆臣詡臣朗臣仁臣若臣輔臣

忠臣秋臣栗臣洪臣真臣休臣尚臣霸臣郤臣晃臣
遼臣靈臣京臣貞臣洽臣昱臣憂臣繇臣霸臣林臣
照臣楙臣陟臣祖臣凌臣福臣質臣題臣觸臣當臣
生臣圃臣神臣衢臣慎臣巽臣俊臣曷臣豐臣楮誠
惶誠懼頓首頓首死罪死罪

右公卿將軍上尊號奏篆額在穎昌相傳為鍾繇
書其中有大理東武亭侯臣繇者乃其人也曹氏
父子睥睨漢祚非一朝夕勢極事就乃欲追大麓
之蹤竊箕山之節後世果可欺乎又自比媯汭納

漢二女豐碑至今不磨所以播其惡於無窮也當
時內外前後勸進之辭不一此蓋刻其最後一章
魏志注中亦載此文有數字不同非史臣筆削之
辭也皆當以碑為正碑自造于華裔之後石理皴
剥字跡晦昧今世所傳者多是前一段爾

魏受禪表

維黃初元年冬十月辛未

皇帝受禪于漢氏上稽儀極下考前訓書挈所錄帝
王遺事義莫顯於禪德美莫盛於受終故書陳納于

大鹿傳稱歷數

字缺二

是以降世且二百年幾三千堯

舜之事復存于今允皇代之上儀帝者之高致也故

立斯表以昭德

缺義焉

皇帝體乾剛之懿姿紹有虞之黃裔九德既諫欽明

文塞齊光日月材兼三極及嗣位

先皇龍興饗國撫采烝民化以醇德崇在寬之政邁

愷悌之教宣重光以照下擬陽春以播惠開禁倉散

滯積冢臣

字缺五

之錫眾地陪臺蒙調餼之養興遺勲

繼絕世廢忘之勞獲金爵之賞襁褓之孤食舊德之

祿善無微而不旌功無細

字缺五

戎士哀矜庶獄罷戍

役焚丹書圉圉虛靜外無曠夫玄澤雲行罔不沾渥

若夫覆載簡易剛柔允宜乾元之德陰陽

字缺六

類育

物奮庸造化之道四時之功也寬容淵嘿恩洽羣物

皇戲之質堯舜之姿也孜孜業業邁德濟民伯禹之

勞

字缺五

睿智神武耕敵用兵段湯之略周發之明也

廣大配天地茂德苞眾聖鴻恩洽於區夏仁聲播於

八荒雖象冒所

字缺六

和而來王是以休徵屢集和氣

烟煜上降乾祉下發瓊珍天關啓闡四靈具臻涌醴

橫流山見黃人所以顯受命之字缺五之期運也其餘

甘露零於豐草野蠶繭於茂樹嘉禾神芝奇禽靈獸

窮祥極瑞者晷月之間蓋七百餘見自金天以字缺五

嘉祥之降未有若今之盛者也是以漢氏覩歷數之

去已知神器之有歸稽唐禪虞紹天明命釐嬪二女

欽授天位

皇帝謙退讓德不嗣至于再至于三於是羣公卿士

僉曰

陛下聖德懿侔兩儀皇符照晰受命咸宜且有熊之

興地出大螻夏后承統木榮冬敷殷湯革命白狼銜

鈎周武觀字缺五方之今日未足以喻而猶以一至之

慶寵神當時紹天即衽負依而治况於大魏靈瑞若

茲者乎蓋天命不可以辭字缺五以意距大統不可以

久曠萬國不可以乏主宜順民神速承天序於是

皇帝乃回思遷慮廟觀庶徵上在璿機蒞之周易卜

以守龜龜蒞籠吉五反靡違乃覽公卿之議順皇天

之命練吉日字缺四唐典之明憲遵大鹿之遺訓遂於

繁昌築靈壇設壇宮跽圭璧儲犧牲延公侯卿士常

隸譯

卷第十九

九

伯常任納言諸節出牧邦君席字缺四匈奴南單于東
夷南蠻西戎北狄王侯君長之羣入自旗門咸旅于
位

皇帝乃受天子之籍冠通天龍袞龍穆穆皇皇物有

其容上公策祝燔燎棫樸告額上帝望秩五岳烟于

六宗徧于羣神字缺三晏祥風來臻乃詔有司大赦天

下改元正始開皇綱闡帝載殊徽幟草器械脩廢官

班瑞節同律量衡更姓改物勒崇垂鴻創字缺佗則永

保天祿傳之罔極

右魏受禪表篆額在穎昌亦曰鍾繇書所謂表者

蓋表揭其事非表奏之表也碑云黃初元年十月

辛未受禪于漢漢紀作乙卯魏志作十一月庚午

裴松之注所載甚詳蓋是月十三日乙卯漢帝使

張音奉璽綬詔冊禪位于魏魏王辭者三及漢冊

四至乃以二十九日辛未升壇受命碑之所載是

也水經云繁昌城內有三臺人謂之繁昌臺壇前

有二碑其後六字生金論者以為司馬金行故曹

氏六世遷魏而事晉此蓋附會符命之談也碑以挈為

契以烟媪為網緼以烟于六宗為禋于六宗

魏脩孔子廟碑

維黃初元年大魏受命脩軒轅之高縱紹虞氏之遐統應歷數以改物揚仁風以作教於是捐五瑞斑宗繇鈞衡石同度量秩羣祀於無文順天時以布化既乃緝熙聖緒昭顯上世追存二代三恪之禮兼紹宣尼衰成之後以魯縣百戶命孔子廿一世孫議郎孔羨為宗聖侯以奉孔子之祀

制詔三公曰昔仲尼姿大聖之才懷帝王之器當衰

周

缺二字魏志作之末

而無受命之運

缺

生乎魯衛之朝教化

乎汶泗之上栖栖焉皇皇焉欲屈己以存道貶身以

救世當

缺三字魏志作時三公

終莫能用乃追考五代之禮脩

素王之事因魯史而制春秋就大師而正雅頌俾千載之後莫不采其文以述作叩其聖以成謀咨可謂命世大聖億載之師表者已遭天下大亂百祀墮壞舊居之廟毀而不脩衰成之後絕而莫繼闕里不聞講誦之聲四時不睹烝嘗之位斯豈所謂崇化報功盛德百世必祀者哉嗟乎朕甚閔焉其以議郎孔羨

為宗聖侯邑百戶奉孔子之祀令魯郡脩起舊廟置
百石吏卒以守衛之又於其外廣為屋宇以居學者
於是魯之父老諸生遊士睹廟堂之始復觀俎豆之
初設嘉聖靈於髣髴想貞祥之來集乃慨然而歎曰
大道衰廢禮學滅絕世餘年

皇上懷仁聖之懿德兼二儀之化育廣大苞於無方
缺恩淪於不測故自受命以來天人咸和神氣烟燭
嘉瑞踵武休徵屢臻殊俗解編髮而慕義遐夷越險
阻而來賓雖大皓遊龍以君世虞氏儀鳳以臨民伯

禹命玄宮而為夏后西伯由岐社而為周文尚何足
稱於大魏哉若乃紹繼徽絕興脩廢官疇咨稽古崇
配乾允神明之所福祐宇內之所歡欣也豈徒魯
邦而已哉爾乃感殷人路寤之義嘉先民泮宮之事
以為高宗僖公蓋嗣世之士諸侯之國耳猶著德於
名頌騰聲乎千載況今

聖皇肇造區夏創業垂統受命之日曾未下輿而衰
崇大聖隆化如此能無頌乎乃作頌曰

煌煌大魏受命溥將并體黃虞舍夏苞商降釐下土

上清三光羣祀咸秩靡事不綱嘉彼玄聖有邈其靈
遭世霧亂莫顯其榮衰成既絕禘廟斯傾闕里蕭條
靡歆靡馨我皇悼之尋其世武乃建宗聖以紹厥後
脩復舊堂豐其甍宇莘莘學徒爰居爰處王教既備
羣小過沮魯道以興永作憲矩洪聲登假神祇來和
休徵雜還瑞我邦家內光區域外被荒遐殊方重譯
搏拊揚歌於赫四聖運世應期仲尼既沒文亦在茲
彬彬我后越而五之並于億載如山之基

右魯孔子廟之碑篆額嘉祐中郡守張稚圭按圖

經題曰魏陳思王曹植詞梁鵠書魏志黃初二年
正月詔以議郎孔羨為宗聖侯奉孔子祀令魯郡
脩起舊廟置吏卒守衛碑云元年而史作二年誤
也後漢孔僖傳注以羨為崇聖侯亦誤也文帝履
位之初首能尊崇先聖刊寫琬琰知所本矣使其
味素王之言行六經之道則豈止鼎峙之業而已
哉魏隸可珍者四碑此為之冠甚有石經論語筆
法大饗碑蓋不相遠若繁昌兩碑則自是一家亦
有以為鵠書者非也

碑以烟煴為網緼終
軍傳辨髮作編髮

魏橫海將軍呂君碑

君諱

字缺六

博望人也其先四嶽出自炎帝

字缺八

內輔

機衡外司方職是呂

缺

族繁毓申呂竝興君其胄也

君天姿果毅仍

缺

於武武而不害當值季末漢失其

御羣雄爭逸海內

缺

隔王塗穢塞君呂中勇顯名州

司試守雉長執戈秉戎慎守量易兵不頓於敵國暨

不侵於四鄰拜武猛都尉厲節中郎將裨將軍封關

內侯王師南征與充軍從奄有江漢舍爵兩勲封陰

德亭侯領鵠鳩集荒散為民統紀三考有成轉拜平

狄將軍改封盧亭侯蒞國賦政十有三季正身帥下

儉呂足用食不感膳坐不重席殿無食粟之馬出無

副車之從生不利家死不託孤可謂良大夫也雖叔

敖相楚晏嬰在齊不能尚也行師御衆暑即不蓋寒

即不表其於戰也即履矢石之所及鋒刃之所先雖

古良將不能踰也會水 關羽猖獗為寇蕩搖邊鄙

虔劉民人而洪水播溢汜沒樊城平源十刃外瀆潛

通猛將驍騎載沈載浮於是不逞位慝羣凶鼎沸或

保城而叛或率衆負旌自即敵門中人呂下竝生異

心君威懷之信臨難益著故能桀然攘除姦逆獨存
 社稷連城十三民無虺蜴帝加其庸轉拜橫海將軍
 徙封西颯都鄉侯食邑并七百戶將遂聞聲于方表
 掃醜虜於南域建元功于大魏書洪缺於宗繇不弔
 旻天降茲災咎寢疾一旬大命隕墜年六十有一黃
 初二季正月缺子薨于缺帝主閔缺察傷悼使謁
 者弔祠賻贈有加臣吏士庶莫不哀缺於是故郡吏
 昭示來裔其辭曰

字缺二楊向字缺二追惟惠君攀慕罔極迺共刊石勒銘

炎靈降精鬱祉後昆膺期誕授寔生我君栢栢缺毅

抑之呂文缺整軍容入在惠民御敵用威附下呂仁

義刑既著允濟缺勲鑽功金石下缺

右魏故橫海將軍章陵太守都鄉侯呂君之碑篆
 額呂君名字皆剝剝以黃初二年卒關羽傳云建
 安二十四年羽攻曹仁於樊秋霖水溢于禁七軍
 皆沒群盜遙受印號為之支黨羽威震華夏曹公
 議遷許以避之碑云水關羽猖獗為寇洪水播
 溢猛將沉沒群凶鼎沸皆實錄也魏隸之佳者惟

鍾梁之碑四若范式碑則又次之此刻差勝賈逵

劉熹爾姑存之

碑以中勇為忠勇曷易為疆場平源十刃為平原十刃墮墜為墮墜

墜即地字稷即稷字感即貳字丑即播字

范式碑

君諱式字

字缺八

功存有夏寔曰御龍

缺

肱商周世昭

其隆晉主夏盟有士會者光演弘謨翼崇霸業錫邑

命族

缺

為范氏則其後也君稟靈醇之茂度體玄亮

之殊高微采懿恭明允篤恕九德靡爽百行淵備弘

道眈藝恢韜墳籍探噴研機罟深不入若乃立德隆

禮樹節寶真志諒足以弼國薦友足以輔仁用能昭

其洪懿聲充宇宙接華於汝墳潤枯斃於荆漢超

菅鮑之遐蹤信靈評乎炳煥是以

缺

化泉流芳

缺

鴻

奮耀仁闡於權輿濟俗侔乎皇訓羣公偉焉弓旌盈

路再讓考

字缺二

三府舉高第侍御史拜冀州刺史糾

剔瑕慝六教允施翰飛蕭於鷹揚典刑

字缺二

軌

缺

帝

缺其勲遷廬江太守擬泰和以陶化昭八則以隆治

彌

缺

弘略惠訓亡倦

字缺二

協

字缺三

齊

字缺二

清源之深

閱寶疏氏之至順以疾告辭韜光潛耀詠琴詩以寧

字 缺九 其猶充洽外內寔紹德之奧藪而儀民之淵表

也未亮三事字 缺三終字 缺六常山相暨子汜孫而脩嗣

世繼粵青龍三年正月丙戌縣長汝南薛字 缺七感靈

蟬之不饗思隆懿模以紹弈世乃與縣之碩儒咨典

謨之中字 缺同宗字 缺三之胄昭告祖考俾守厥祀本支

著宣融之祀人神協休茂之慶焉禮也於是鄉字 缺二

上計掾翟循州部泰山從事史翟邵等僉以為君雖

煇名載藉光颺前列而靈字 缺墳字 缺儀問靡述遂相與

略依舊傳昭撰景行刊銘樹字 缺墓以聲百世其辭曰

於昭上德實唐之脩誕表字 缺靈和蹈規履信窮神周覽

衽道之訓邁德徽猶鴻漸字 缺奮穢彼夸毗寶此醇懿

以文會友以仁翼字 缺敷化濟殖羣生以遂永言孝思

民之攸暨如何昊天不信其軌明德不報脩肱亡紀

爰輯訓典詢爾髦士育茲字 缺缺以永遐祉詒厥孫謀

耀于萬祀

右故廬江太守范府君之碑篆額在濟州任城魏

明帝青龍三年縣長薛君鄉人翟循等所立范君

名式字巨卿山陽金鄉人仕漢至廬江太守傳書

張劭陳平子孔嵩三事甚詳至治郡則云有威名而已此碑辭勝而事寡雖曰略依舊傳昭撰景行但云篤友足以輔仁超管鮑之遐蹤爾未足以光颺盛德也傳云為荊州刺史而碑作冀州以新野之事證之則碑誤也此碑雖不及延康黃初四刻在魏隸它碑中可取爾唐李嗣真作書後品乃云蔡公諸體惟范巨卿碑風華艷麗古今冠絕甚矣藻鑿之謬也

噴即曠字
赫即赫字

張平子碑

附

河間諱衡字平子南陽此縣人也體德純和秉行孝友加以俊才命世英識秀建崔子壬為之下造化高才瑋藝與神合契君子以為哀然聞之風聲至於仕乎史官筭二儀之數研陰陽之理缺二日月致巧渾儀有極深探曠之思數涯知來之驗此崔生所以發德音也若夫好學博古貫綜謨藉墳典立索之流經禮訓詁之載百家九流之辯詩賦雅頌之辭金匱玉板之臬讖契圖緯之文音樂書畫之藝方技博奕之巧自滯範繇倫以還于若郊子之所習介盧之所識

者罔不該羅其情原始要終故能學為人英文為辭
宗紹義和之顯跡系相如之遐風向若生於春秋之
間游乎闕里之堂將同貫宰貢齊衡游夏豈值取足
於身中垂名於一涂哉是以先生恒屈於不知已仕
居下位再為史官而發應問之論時不容道遂興思
立之賦爰登侍中則黨言允諧出相河間則黎民時
雖庸渠限其所至哉若夫巡狩誥頌所以敷陳主德
二京南都所以贊美畿輦者與雅頌爭流英英乎其
有味與若又造事屬辭因物興缺下筆流藻潛思發

義文無擇辭言必華麗自屬文之士未有如先生之
善選言者也南陽相夏侯湛自涉境以經于諸邑每
縣咨其故老訪其先賢有北者表其墓經墳者揖其
魂涂出魯陽行次西鄂眎孤山而頌缺樊廡茲邑而
懷夫子暨路過瑩域止駕衢晉覩封樹之蕭條觀高
碑之稱美於是慨然永思愴余長懷若死者可起吾
其與歸乃延邑宰而問之曰晉武王入殷封比干之
隴高祖經魏酌信陵之墓此聖賢之所以禮忠旌能
甄表明德也有可以優其肩嗣者禮其在是而古冑

絕紹支庶無聞於是乃翦其墟落寵其宗人使奉其
四時獻其粢盛遂糾集舊跡講載新懷而書之碑側
以闡美抒思焉其頌曰

弈弈張生秉德淑清研深綜理思俊才英實掌天地
幽贊神明冠曩興美傾漢流聲匪唯天象亦垂人文
有炳其猶有鑠其新仰鑒遺藉馳心哲人殊在投好
百載交神奉命南邦行出爾涂缺及隧首輟駕前衢
徘徊崇碑逍遙故墟企仰罔瞻長懷焉如管在先賢
唯德侔友古而無死顛言攜手在則茲泯道乃缺二

在珠詠隋于壁稱和哉寶無彫人壽幾何望兼京臺
思踰埃河


右張平子碑晉南陽相夏侯湛作水經云西鄂縣
有平子墓墓東有碑文字悉是篆崔瑗之辭也盛
弘之郭仲產並云夏侯孝若為郡薄其文復刊碑
陰為銘然碑陰二銘乃崔子玉及陳翕隸字耳墓
次又有二碑唯見其一以夏景驛途疲而莫究酈
氏之說如此今世所傳凡百君子者即平子篆碑
其石已中斷合向城後碑始能成文此刻有夏侯

其石名而云書之碑側蓋酈氏考之不詳也魏隸
自范式之後隸釋悉棄不取吳之谷明陸禕碑晉
之游述鄧乂碑皆體弱格卑已去黃初遠甚視熹
平光和年所刻殆天冠地履之不侔也此碑在同
時字畫中僅有可觀因贅之篇尾亦以見一代佐
書其工者止此爾

碑以直為直以黨言為
謹言以蕭條為蕭條



隸釋卷第十九



其

其

其